



Eske m ta Dwe Teste pou KOVID-19?

Li empòtan pou w konnen kilè ou ta dwe teste pou KOVID-19 (yo rele l tou koronavirus). Gen moun ki teste nan travay yo oubyen nan yon zòn ki pa lwen.

1. Kilè mwen ta dwe teste pou KOVID-19 ?

- Si ou te bò kote yon moun ki gen KOVID-19 pou plis pase 15 minit .
- Si ou gen siy ki montre ke ou malad. Siy sa yo ka kòmanse ant 2 a 14 jou aprè ke ou te pran KOVID-19 la:

- | | |
|----------------------------------------|----------------------------------------------------|
| - La fyèv oswa frison | - Tous |
| - Gòj fè mal | - Fatig |
| - Souf kout oswa difikilte pou respire | - Doulè nan mis |
| - Djare | - Lestomak chaje oswa vomisman |
| - Nen bouche oswa nen koule | - Tèt fè mal |
| | - Ou vinn pèdi gou bouch ou oswa ou paka pran sant |



Chache swen medical ijans imedyateman si ou gen souf kout oswa nenpòt doulè lestomak. Fè yon moun rele 9-1-1 pou ou pou w ka jwen èd an ijans.

2. Kisa pou m fè si tès KOVID-19 mwen an POZITIF?

- Si tès ou a pozitif , ou gen KOVID-19 kounye a.
- Ale lakay ou e eseye rete lwen tout lòt moun pou w pa ba yo maladi a.
- Poze patwon w kesyon sou konje maladi peye pou moun ki gen KOVID-19.
- Depatman sante va di w kijan pou w jwen yon doktè e kilè pou w ale lakay doktè a.
- Tande sa depatman sante a di w e swiv tout enstriksyon ke li ba ou yo.

Si tès ou a **NEGATIF**, ou pa gen KOVID-19, men ou ka genyen l pita. Kontinye pran prekosyon pou w pa pran KOVID-19 la.

3. Kimoun ki gen ris pou yo vinn malad anpil si yo pran KOVID-19?

Si ou menm oswa yon moun ki ap viv avè w gen ris pou vinn malad anpil de KOVID la, li trèzenpòtan pou w teste si ou santi ke w malad ouben si ou te bò kote yon moun ki malad.

- Moun ki gen 65 an oswa pi plis.
- Moun ki nan nursing home oswa ki nan kote yo bay moun swen pou lontan.
- Moun ki gen pwoblèm sante tankou:

- Maladi poumon	- Maladi respirasyon/opresyon	- Maladi kè
- Sistèm iminitè ki fèb	- Trè obèz (twò gwo)	- Djabèt/Pwoblèm sik nan san
- Maladi ren	- Maladi fwa	

Si ou gen yon pwoblèm sante, pale ak yon doktè. Swiv enstriksyon ke li ba ou yo pou w ka jere sante w. Si ou gen kesyon konsènan KOVID-19 oswa si ou bezwen èd pou w ka jwen resous nan kominote w, rele 2-1-1.

LÈ W AP KITE KAY OU:



METE
Yon mas oswa yon twal pou w kouvri nen w ak bouch ou.



KANPE
6 pye a distans. Evite kontak prè.



LAVE
Men w oswa itilize sanitazè